

集部

欽定四庫

全書年等集卷十

詳校官中書臣賈 侍讀臣孫球覆勘 ङ

總校官編修臣王燕緒 校對官修撰臣 吳錫龄 謄録監生臣 楊其梓

たとりるという 書作個 定字集 明道不行而猶明馬以 前機聞之周公姓百 儒無善治聖賢之 撰

其講明見諸推行道猶有可行之日道不行而併 房杜姚宋非不可佐天子相天下而事業終有愧 金贝口尼白言 任傳道之責于萬世故孟子而後能為往聖繼絕學 及格物致知是以雖能著衛道之功于一時而無以 正心而不及誠意唐儒莫如韓退之然言誠意而 於古所謂千載無真儒者漢儒莫如董仲舒然言 之時所謂百世無善治者如漢之蕭曹丙魏唐之 不明馬則人心昧昧乎莫知所之而道終無可行

乎聖主次而啟迪乎儲皇又次而作成乎賢士夫夫其 特明于斯世且将行于斯世矣天不怒遭赍志以往善 有功于斯道大矣以不世之真儒佐聖世之善治道不 也首宗朱子心會身行遭時得君倡鳴道學上而故沃 而挺生真所謂豪傑之士北方之學者未能或之先者 明于西北恭惟先正魯齊先生鍾乾坤之間氣于軍懷 程子之大成者有朱子馬朱子之學初明于東南而未 而任傳道之責于萬世者曰近世之周子程子而集同

大こうい シトラ

金丘四月全書 如先生之繼先正者天獨厚于先生天其無望于先生 繼善述有先生馬孔孟周程之嗣子未聞其家學絕絕 室多士先生之功居多親勞徒御策馬南来江浙省開 乎聖主繼與紅熙聖學問文明之運為科學之行特皇 |躬為董督壹是以寬厚加惠多士先生之功又居多政 献定科條壹是以朱子之學風勵海宇以經明行修賣 聲洋溢置久外滿不日召還又聞相葉使道之未盡行 于先正者盛行于先生繼孟子之真儒成周公之善治

志學校縣府聚之以應鄉試偶爾像住近歲前十一月 之晚學也生文公之鄉讀文公之書少知留心老尤篇 之所望聖天子之望也而實天之望也有如樂者新安 南廖期限已迫勢已不能前進觀國之光則惟有退而 到此之初即已伏枕是以雖欲首拜光範之門而不可 問買買北來將侍同行赴都會試宣謂簿命感冷途中 得至十二月初六日衆皆舟行病魔獨尼之今寮病理 定字集

天下蒼生不于先生乎望將誰望哉此不特天下蒼生

斯馬取斯者年來老成洞謝後學荒唐沒不如前良可 守先王之道以傳學者而已然不一拜下風望大賢之 不至大為文公羞馬樂二十年來署有編祭不敢一毫 賴父兄師友之教耳濡目染有素而然所謂魯無君子 文公嗣里乃古建古歙二州二州儒士素盛于東南實 威儀聞一言以自肚則是將虚此生全虚此行也寫惟 昏使人此此者今兹鄉舉猶幸古飲掛名者有魯两生 慨嘆而又任庠序之教責者多非其人又所謂以其旨

金豆四库全書

解于禮記有集義可解于史有增廣通略之類貧不能 人者終有限馬區區之愚不無望于先生先生矜其貧 子衿之革雖自弱冠以來不能一日含筆耕而食然及 刊僅所刊語孟口義一書而已羽異先儒之書以模範 唯命其或造就之任紫陽書院山長或任徽路學學正 病而遣之歸乎唯命其許之待後舉而赴都還試乎亦 口義于易有讀易編于書有書解折衷于詩有述傳句 不祖述乎朱子又或就其臼窠中而於明之于語孟有

大江り下から

定字集

先生歸相聖天子繼先正以明此道于天下樂也不敏 使得以朱子之學迪後進以續紫陽之燈乎亦唯命願 亦可畧助明時使斯道略明于朱子之鄉馬干冒威尊

下情無任惶懼之至 上秦國公書

延祐二年八月吉日學生鄉貢進士新安陳標謹亦沐

一我書百拜獻于平章大丞相秦國公釣座前 樂江南

寒士望翹材館遠在九霄上安敢輕以書讀若務昌黎

金号巴尼台書

唐以來往往坐此恭惟國公大賢問世遭時得君可謂 真儒無善治聖賢之道不行無真儒聖賢之道不明漢 其可又以黄清夫相門之客樂之良友也託其貢書似 韓子亦嘗以鄉貢進士上書光範之門以此例之或者 略無聽馬樂聞之好公沒百世無善治亞聖往千載無 非無因而前是用忘其微賤輕叩洪釣首祈相度天寬 輔相大業然海宇蒼生沐浴于深仁厚澤中豈非聖賢 繼亞聖之真儒致姬公之善治遠方寒士雖不能盡知

歲應江浙鄉試偶在選中結友買舟期應會試亦既至 之道得公而行乎科舉宏問昭昭然以朱文公之學揭 獲都書坊所刊會試程文內有科録程試該載聖肯內 日月而行之天經人理復浸激士心間皆公所建白豈 路録事司勘會移關始克選家尋釋舊聞以待學者繼 古杭行有日美條爾選疾果行獨留療經谕年南得痊 非理賢之道類公而明軟操也幸際斯時忝與士類前 愈試期已迫度難奔超然亦不敢擅自歸也告狀抗州

多足四库全書

堯言遠布信如四時将數盛哉真激勵作成之大造也 火之四重全十二 聖旨照年六十以上例除櫟一泮水近闕使得及此己 日捨此以食然其及人終不為多倘蒙鈞慈欽遵己降 發揮先儒之所未盡言諸經幾遍雖假館授徒不能一 也生朱文公之鄉學朱文公之學自少有志至老彌勤 春散木尚搞豈造化之有偏特未有聞于釣前已耳樂 櫟生于前壬子歲大馬之齒于今六十有五美草村皆 一致如櫟等不曾會試病患來運之人亦許得與寸進一 定字集

得所謂人師者何也非童子之命之師也非一卷之書 憐馬干冒威尊恐悚無己樂再拜 沒之年皆感戴之日也謹託清夫為聲烟幅惟國公垂 躬行之作養成材以待選舉或使道略明于鄉即則未 老未衰之年以平生所聞于朱文公者與諸生講明而 于路教翰相先生某聞盧誕有言曰經師易求人師難 五月吉日學生成德齊生陳某謹齊沐裁書再拜申呈 上馮路教托甕先生書

文章必于都魯也漢之淵雲宋之記熱皆以蜀珍雄天 家傅文獻淵源之懿身任人物權衙之責夫是之謂人 之師也非家有熟黨有摩之師也道高一時名重一世 也奚其難今天求馬必于冀北求木必于郅林求學問 雖欲師之而不得師也若夫經師者由百世之後等百 世之儒以方寸之天君對方策之聖賢一開編而可得 師之人也生而時馬之不同不可師也時同而地馬之 不近不易師也其時同而地近而其勢分之大相遠絕

大日日日 ニラー

定字集

t

金与四月白世 以地論則先生過來教于吾州以勢分論則先生師也 之家有閱閱豈惟衣冠哉學問文章也亦然聞先生家 夺席其所耳濡目染者有素也是以論其世也故衣冠 自鴻碩先生以來世傳學問之燈世擅文章之録則先 權術之責者非乎標也以時論則幸與先生並世而生 沉酣以飽其蘊腹萬卷書足萬里路以老懿身任人物 生真學問文章家之有閱閱者也而又刻苦以世其傳 下今先生實以之今夫后稷之孫無情穡伯夷之兒無

一人にノフラーノ・トラー |漳日某米漳州獨為吾道得一陳安卿耳前華之喜得 |者教人後覺者教于人教于人者而不遇名師儒是求 遭不求師之将何時哉此樂之所以來也抑又聞先覺 操亦可備弟子列者也以人師之難遭而幸其機之過 是投珠玉于暗路而責其不吾受也故後覺之心每患 珠玉于鶉衣而怨其不吾子也教人者而不得才子弟 公全至成都得范景仁曰吾喜得一偉人朱文公至臨 名師儒之難遭而先覺之心亦患才子弟之難得音薛 定于其

也科舉之法廢于吟咏之外猶不變乎窮理之學不專 一行于時文之外知有窮理之學不屑于時丈而已也繼 書十歲而能文十五歲而偕為童子師始也科舉之法 才子弟甚于後華之幸遇名師儒也樂也生五歲而讀 韓門之籍提也此又樂之所以來也抑又聞先正鴻碩 唇教之雖不敢自說于熱門之是陳亦必不敢叛去為 一寸退尺大馬之齒且三十有七矣先生倘以為可教而 于吟咏而已也今也學不前人年不後人悠悠蹉跎進

金匠四厚全書

欲停襲氏易而挟餅代食以求傳者樂也寫有志馬先 所以來之意惟先生其幸教之干漬師嚴惶恐無己 因人師而得經師也此又樂之所以來也惟硯是田無 生倘矜其立志之勤而慨然肯以家傳之學傳之是又 見也告有欲讀書不能得而為人慵書以讀之者又有 税可役其來也實異乎眾人之來是以先陳此書叙其 先生之春秋通解胡文定嘗採取之櫟顏學馬而未之 上張即守書

欽定四庫全書 華于東平表表帝偉有先生馬先生把塵姑孰以德行 文章為政事有古人風今之士大夫無是也當恨不得 於總管大學士相公尊先生台座前樂當讀昌黎即州 延祐元年正月吉日路學成德齊生陳樂謹齊沐獻書 倩僕良不為易茲聞先生下車方新士民胥慶前日欲 溪堂詩知東平為山東巨鎮久矣近歲以來中原文獻 以拜下風廉碩立懦居無何而先生為吾郡來矣某一 介晚學附籍即庠界重家貧假館茍活每一至泮裹糧

とこうら ここう 聞之頭躍以期無負聖天子教養技權之盛心奈何極 科舉一以朱子之書風勵多士無生平生所學展發少 解等書鑽研探討捨朱子之書不好也幸遇聖朝肇新 說為論盖口義編書解折衷詩述傳句解禮記集義句 朱子之學性膏理髓嗎喻迄今編當編述發明朱子之 拜而不得者今何幸将得而拜之所以勇于一行為吾 可自見學校公舉以充職員某也雖恐何敢自棄固宜 即士民賀亦以自賀并将鳴其私馬某生朱子之鄉學 走手上

謂吾公父孰違公令吾即士民以之又曰公無數遺此 獻一部或可以呈之舍人馬耳又有感于溪堂之詩曰 糧米使得少助往來之費實拜生成之賜不淺鮮也某 仰首一鳴複何時哉倘蒙指揮學校給以三五月耆儒 · 蘇緊未之敢請今茲幸 遇先生學道愛人之賢師尚不 平生編述僅刊口義一書字細紙惡不便台覧冒昧謹 月糧果犬馬之齒六十有三矣例當有請前時以館寫

金好四月全建

貧無資莫能自致學校體例諸生年六十以上者給以

垂聽馬先生自康車而翰苑自翰苑而祭酒固古今儒 敢的尺笺演文面以遇便極的保無石頭驛事惟先生 人之穞皐者以萬里寄書恐遭洪喬之浮沉也今兹乃 七月吉日契家學生陳樂謹齊沐裁書百拜申賀相公 匪石先生釣座前果自別先生亦既累載聞先生得時 **邦是麻先生以之干冒威尊無任戰栗俟命之至** 行道超遷不一選亦當修辭貢書特賀不一賀竟監魯 賀鄧祭酒書

欽定四庫全書 者之至禁實今日儒臣之尤重自建祭酒以来責莫重

于今日而先生身任之甚盛甚休多賀多賀縣惟祭酒 也漢置博士十二人推聰明有威重者一人為祭酒謂 中魏之散騎常侍功高者並為祭酒其名重美而猶未 祭故以祭酒稱昉自首卿為齊三老稱祭酒馬漢之侍 之名其來尚奚古者主有盛饌賓推老者一人舉 酒以

置國子祭酒國子之名見于周禮師氏以三德三行教

之博士祭酒官漸重矣而猶未也晉咸寧中立國子學

人專掌監學之政且令儲君受業馬執經講說必以儒 學祭酒有改國子學為國子監仍置祭酒而唐因之又 |野關馬推天下達尊之三而羽儀朝若馬愚前所謂古 惟先生世擅蜀珍望隆時棟備君子所教之五而模範 學優重者為之其官愈重矣方之今日則彼猶未也恭 改祭酒為大司成未發復儘領國子學太學置祭酒一 周之師氏保氏其官又重矣而猶未也齊建元中置國 國子保氏養國子以道而教之六藝則國子祭酒即成

文足可見 1

定字集

臣之尤重盖謂此也此盖即唐朝儲君受業之意而充 學生國子生之宗師而已矣其于故沃上心對襄聖學 今儒者之至榮聖其然矣所謂見當今儒臣之尤重果 臣進陪講讀發明帝王心傳之懿講置修齊治平之本 未之及也欽惟聖天子聰明天縱稱照月將俾祭酒之 何謂也太學國子祭酒前朝有是官矣重是選矣為太 合經筵賢闆為一官而委重于先生恩故曰見今日儒 于以紹道學於既往開太平于方今皆責之于祭酒是

刊之書而已矣大學一書君天下者之律令格例也真文 行其所志不在此書其將馬在上而故沃下而訓誘寫 忠公大學行義一書儒臣毗叛聖學之根本龜鑑也如 廣之非近世太學國子祭酒專任學政之比也先生何 其知我心也就具襲聖學其本體也住與聖治其功用也 料必己熟講平此矣愚猶不能忘言者亦欲先生之知 有用我執此以往先生平昔所有志而未得行者今得 以稱此尤重之任哉愚知之矣不出先生前所提調校

たこういっこと

足ずけた

金是四月全書 積誠感動研精數陳可謂致主澤民干載一遇矣近世 先生馬近江東食事郭公會問談及先生三日一進講 有本無用非學也以者壽俊為社稷臣愚将大有望于 馬陰滋潛潤本于沃心皆唐令儲君受業所以預培他 而已東南民力吏治之利若病先生之所熟知昔欲為 明經筵講義必推廣經義以達于治道不徒空談道理 日治平之根基今兹俾數襄聖學可以立見當世治平 道之福星不得專馬今雖未沛天下之霖雨將有待

次已到事人的 酬之不在先生乎先正之所以期望于後之人者其不 志伊尹之志使是君為堯舜之君使是民為堯舜之民 此尊先正學民生先正之有志而未酬者善繼其志而 之效驗豈直教雨沾濡于館下諸生而已學顏子之學 國子諸生賀而已北望賢關與星同拱惟先生墨而恕 在兹乎思此書之質質為先正質為天下賀寧惟太學 與胡雙湖書 定字集

即高明以為何如 奇者两其四時两年之象也此八所以為耦先生通釋 然四何為而為奇哉意者樣之以四以象四時四時具 能通告當思之五去一而為四九亦去一而為八固也 故蒙通釋中撰著五四為奇九八為耦處初學者或不 而後為一年者一其四時一年之象也此四時所以為 中意必以易曉而未之及愚謂曷若明白為後學言之

虚美不足盖名佛之實禍批教抑之太過愚謂不過虚 處其說出尹起幸綱目發明此外雖不無祖述今亦難 意此老已見到此今見稽古中可考大學宗祖之說出 峻德處以為修齊治平此説出于温公朱子述之耳不 真西山行義其第一章即載竟典一章說秦世變升 盡述此其大者却不可掩為己有論明帝崇儒之 定宇美

稽古録世多抵 牾恐難一一以稽古為定通略說克明

三代以後年數易考有甲子哀定以前年數難考史與

一美耳渠之崇儒先儒于富之教之章已晷及之未是十 雖有崇儒十分好處不足言矣序文未作終必須作向 合先者史廳了眼只當先者經此後世經與史分故也 史合三代以下治與道分經與史分朱子謂呂伯恭不 及增此先生繁要如已及之甚好如未也請添入然後 分美事 畢竟犯正不两立既有 名佛入中國之大過 則 大議論包括之意欲謂三代以上治與道合經與 一族弟見通略謂當春秋戰國時說及孔孟後來未

二帝三皇時治統與道統合聖賢達而在上道明且行 寄于孔孟躬而在下之聖賢道雖明不行矣是後經自 道斷史之治史即經也且可為宋三百年事張本將述 伏羲為道統之祖而又提掇克明俊德親九族章以修 此時經即史史即經也帝王往矣治統與道統分道統 經史自史也史雖有司馬遷班固以降諸人及司馬公 **酥為治平根本自可以斷盡三十年君德相業以經之** 1鑑其畔于經者多有之今吾華養要通略之作提起

香每一展玩每一景仰方此梅邊細讀見梅見易如獲 鍳此意否 近年一種都薄道學謂與晉人清談同科之認論先生 先生苟不下此筆果明年當為之大掃一片議論以洗 周程張朱以俟他日續下筆又何者史粗了眼之患哉 今年夏書坊之所有刊易本義亟不論錢買之研朱焚 癸己之冬先辱議翰隨即蘇沐修答未知其得達矣否 又答雙湖書

為嘆也以多問家抑損勤的某也何人可以承此此盖 午夏方徹紫石稜一以不隨浮沉為幸一以寄書難達 見君而謙翰復副其飛隆矣亞為展誦乃知梅蒙協治 欠八日三十二月 為言議之類他却不能舉今讀來教誠有此說某竊謂 詩之功不逮周易因叩其說皆謂如崇墉言言不當訓 執事學愈髙心愈下不自知其辭之謙耳附注詩傳此 而似山玉南二文相見聞皆謂左右釋詩多有可疑讀 一段大事前歲間有此舉甚以未得一聞緒餘為歉繼 定字集

金月四月全書 已意但存他說以互相發明或發其餘意之未盡者足 雲者必好之其訓釋亦云當矣今欲附語録養諸家述 理多了恐制這窠白不轉至于詩無復遺恨後有揚子 文公於六經惟易詩特筆成書自謂易被前華說得道 其旁云不暇録惜乎某不得親見其說徒以條教大器 矣不必過求異也今承來示謂詩解見勝數段去復注 其真是之所在哉牛羊腓字之腓引易咸其腓証之極當 及所聞于人者想像蠢測而管窥之當于何許而考核

為豈不顯豈不時似不可易大率詩人之詞緩反其詞 各自為一義不相妨也不顯不時等不字只依舊說以 連字據古人出口叶韻為是耳兼古字多通用两言言 此不過言其高大之貌耳不如只依文公說為當此等 下文開閉連連安安及下一節萬弟伦化文意稍詳之 又有于時語語相連其為言語無疑崇塘乃實字以上 崇墉言言之言引于時言言訴之恐未當于時乃虚字 以逆其意而讀之味在言外後來人多如此下不字令

安定四車全書 明定字集

之指拇毛説似實鄭説似怪然惟其怪也不由人道忽 人容或有之如天命玄鳥降而生商之類耳故取鄭説 爾有振是以三棄之而卒収之遂名曰棄使只如毛說 毛注則謂姜嫄躡帝學之步武鄭箋則謂姜嫄復天帝 此乃古事之荒遠可怪難明者先儒釋之大縣有两說 人問口亦多如此直訓為不顯未見其得優帝武敏於 因祀高禄夫唱婦隨由此有子此乃事理之常復何怪 何棄乎文公取鄭説非好怪也盖以神聖之生異于常

今存毛嚴之說以互相發明亦自不妨但不可必是此 華之說灼然未盡未明而我之說灼然稳當明白者則 說其附已見者不過十之一二耳今釋詩亦須如此前 說而疑于前說也要之如此等處姑存而勿論可也能 冠于前以燕張二說証于後考究至此他亦說不去矣 出之不然不如其已不必過于求奇以來云云也兼聞 巧為之說亦有何益據愚之見左右于易不十分自立 入閩之期已的恐一刊印後改正便難幸聞有熊先生

灰空甲全書 四

定字录

|老成宿儒相與參定必無輕易如見熊公後千應之得 已聞具議一板行後使果有受人指點處悔之何及大 少能服善故敢直以所聞所見為告若夫嫉好背非萬 能頻酷于樂善耳以左右下問之盛心紅實無偽知其 緊朋友問樂美服義者少嫉妙背非者多某平生無他 本義附録纂註久遠並行不亦善之善者乎未板行問 不契公論則棄去之使正大光明為無纖瑕之拱璧與 倘與之符顏左右勇于刪削只存其稳當者稍涉奇具

陽虚陰實之謬左右謂與佛老異端之學何異愚直謂 萬無之但懼或者之不免也外承寄示易辨極感極默 |大い/Dipt Aiden 難是以亟亟多遽治復只據一時愚見述之直突閱綾 我甚急且又聞道存歸期在十五日恐蹉此便欲寄良 某受賜宏矣某十三日午方得解初九所惠書外批索 經者不能也正論日揭異說水消盡美盡善敬嘆不暇 說虚實處而與之辨能如此詳明的當則非精熟于義 此與兒童之見何異耳闢之甚不難但盡泉一部易中 定字朵

金万巴人白雪 亦多有自知不明而不知已之為非知人不明而不知 刑大縣人之作文自是者多服義者少非然不服義也 昨賓賜行僧厓略數行字以請兹領教墨三復如侍典 伏干台照不宣 恐竦曷勝何日一拜下風少罄所編未見惟厚自珍番 八之為是者彼有一等私小之見横乎自中恥已之失 答胡雲峰請考評書

惟恐勝已者又不論也此所以易于台間也二三先生

以附于後惟命其截斷不使太泛亦惟命至于銓次之 經古賦俱乞于後便中罷示全榜批教姓字卷上多撰 欲作者主名知其文不知其人亦理所不可也其餘諸 置之更唯命東卓然之見以持公論之偷鎮喧嚣之辭 問某管義之見豈敢自以為是不契尊意處聽自高下 納之間関中亦既解命矣鉅帙六謹以城付來使前數 而立吾道之幟不能不于先生有望馬經疑前六篇實 名外其餘不欲嚴于去取要亦無以大相遠其雜排之 定于上

完忡版惟高明鉴之未見問更望珍嗇以壽斯文不宣 **某自一二十年來側聞執事先生允協與情丕承先志** 備 仲儀郡博一 賜皆出雲峰之吹嘘感戢感戰已修謝書并及之矣回 他名或代名不可以為據敢乞拜意玉湖相公先生尊 答明玉湖請考評書 旅倡率士類佐聞人文甚盛甚休由是歸心 級併此附去頤指呈達為荷楮短心悠未

郵定四月 全主

文巴马車全官 一 繁未必不由于斯樂也預以為賀至于関熱惟之瘴衣 雲峰先生力為辭之雲峰不特不善為我辭且勾引先 欠事記圖今者會友以文巨帙累重該以銓次當轉託 政後舉不過一再秋風迂續丈公丁卯之氣數機關所 生賜之劉翰于是乎黾勉披賞不敢辭矣甫得竣事謹 否耳恭惟先生于玉比潤與湖俱清振起斯文是亦為 以授之秦綱望賜台電一瞩之未和能愜高見契公論

門墻積日如髮第未獲一拜下風常用悒悒以為此生

金月以及人 任此方控解間執事又從而您過之亦既見勉拜命矣 甚下拜之餘附此以謝未知何時掬湖中玻球玉以洗 明經課評荷雲峰玉湖二公舉以見該老病荒疎懼不 未詢復祥為欠而雲錦天落矣三返五復何快怄如之 昏花以快披親臨楮不任奉奉 之以疊雪之輕解粧寒之圍飫之以松明之紅此意厚 樂去歲聞琴書寓考川川泳雲飛良深健美今春方以 答王仲儀書

大でりた Artes 一或以名開公能為之解朝否也貴州髦士如林得諸公 領隨即度答索及四書發明四小帙附齊心回便拜呈 近齊心价者捧至教字披誦方知有八月半之翰而未 得握手劇談以豁愁思 友領袖後進以為文公闕里增光區區不無望馬何時 運近在後秋轉瞬見之耳全在雲峰老師與吾仲儀老 又從而鼓舞之其雪去秋庚申之耻而迓文公丁卯之 答胡雲峰書 定字集

悟文言乾九二夫子明有乾德中正語已悔所疑之過 他日有會晤緣當及之拜問本義二條寫去之後隨即 門書達葵初不蒙一字之答想是李真匿之其說甚長 |與刪定補註內其葵初批字刪除處見其學識不几因 |姓名明經人才之盛足見師友淵源敬嘆久之王葵初 無議厚雖得前席而聽何以過之快甚慰甚賜報諸作 聞其名美董李真以乃翁所編蔡傳附録纂疏來竭力 今不知已到未此月望賓賜方遊示前翰連張累紙詳

易不可為典要之一知正例而不知變例固不可也惕 今蒙詳教頓覺豁然以程子中無不正及未濟九二證 STOLIO LILLING 草諭見之書成美坊中四種附録為最養疏多不満人 也感刻感刻賜報本義通釋外尊者不一既未板行又 要有疑又要無疑使我之有疑得以無疑者先覺之賜 属亦是至疑蒙批教詳明尤幸尤幸朱子曰無疑處却 之了然矣朱子曰九居二本非正以中故得正也此亦 難盡借又賜報四書通肯之者前信方謂未成書以今 定字集

坦之木鐘集篡疏己略取之但未盡善爾前信欲拜觀 非當讀龍溪諸誌銘及碧梧所為龍溪誌銘知德與之 心又報集成外添得數家亦難得也大學有盧玉溪通 明之編今蒙批論謂暴疏集成多有差緣可謂先得我 意集註依樣畫對蘆而已不堪視覧故不得已而有發 義最不易想亦在一家之內若夫北溪之學庸講義陸 通告数十板以見規模大柴賜教為幸颙望颙望 與張純思書

金月四月至書

1. 2. 3 L. 1.1. |交偶談及牧隱說二程曰是吾鄉中雲人所作繼而蘭 一意謂何當得見斯人而交之今年携書此來與二程居 叟此來又及之蘭叟方曰純愚本德與人乃徙而占籍 之敬服馬然猶未悉然料此必德與之張也謹識之心 牧隐的卷作者無慮百人獨純愚一說起然傑出亟録 叔字說母知有紙愚猶未悉繼于地理楊兄所見禁氏 張甲天下又當讀伯東伯大之程文知具文可示法天 下未識其後人何如人也二三年來偶于胡兄所見顏 きず集

亦欲執事之知其知我也若夫不肖則以何者求知于 者始敢書美所以有牧隱説之云云者盖如老泉所謂 盛心某何修而辱先生先施之哉夫然前後之不敢書 荷寄聲且曰欲寄以書以冗未及寫雖未得拜讀已領 謬也知蘭叟將有考川三後拜會之期遂于臨歧祝之 為寄聲于純愚先生非不欲書未敢書也蘭叟再至則 執事哉果自少頗知經之當明今老矣犬馬之齒六十 于婺源耳思然後方自喜聞經之能賞音而所料果不

一到定四库全書

一時之文儒家事業非止乎此而一望茅章盡疲精神干 TARED TO THE 賀健美健美庭黄識雲峰于即城今二十有三年無由 執事與為像其必皆注意于此而實能稱乎此多有多 此嘗心非之聞考川有明經書院司教事者雲峰胡丈 有一美而經猶未易明也當謂仄仄平平之詩俗下應 再見請談次得一唾名問與居幸甚某三十年繆作俗 應附之詩若文去秋東屏不戒于火俱燼馬不足惜 增廣通路乃因雙湖胡大所利史養通要而再訂 定字禁

金巴人口月子 |白解語盖口義等未審何時得執以北面求印正于先 能記因筆不好批教拳拳及此者亦老泉張益州畫像 教一二否願也不敢必也問先生之年于二程君皆不 無出出处超邁似此者何限常一嚼想全罪因風可賜 生乎所扶先生投隱冊子亦爐矣先生躬偿臻奧是惟 正者無他本亦爐馬書解折衷詩述傳句解禮記集義 記之意也冒昧表書不覺閱縷惟高明鉴之不備

憶今春侍家叔掃松楸道經仞墻因獲遂識剃之願雖 老成典型時見清夢然以無謂不敢數別人記圖謙 次已日本公事 之某也又奚說之辭黾勉拜命為首凌就謹此拜時伏 李之苦何以得此别重以諸族多方吹嘘左提而右挈 老先生緣先自大父燈窗之世契愛名家之甘而忘我 尊忽賜誨示乃以諸令孫彬彬玉立特有西塾之招非 干尊版 與汪古逸書 定字集

無我過者迄今不能如願愧甚愧甚兹恃契厚借有欲 字不能道所為之萬一當穢去四書考異一小帙惜所 志學欲從明師以玉成之某素與萬顷託交以此見詢 否耳答書初準擬 暇時從容作之而 匆匆無寧日便鴻 利不免有誤字不便台覧想能以意會之不審合尊意 今春領台翰詳密殊甚而持書人去急 匆匆懂拜答數 言同邑梢雲吳兄萬顷翩翩住公子也屏山先生大尹 孫松所都巡之子篤志學問詩文俱工有令子年方

一時告之歲輕抵鄭公卿辱賜汲引僕革急歸不果拜命 **承諾之不特萬顷贤父子飽領豁益小生亦可時時請** 慰生平未得會時之懷尤幸也亟亟拜字一生常苦象 益萬顷且有容小生詣其仞墻之美意若得償此願以 此紙以達其意萬頃亦自作先生書萬望曲從其情慨 亦聞先生大名非一年矣小生遂力以先生為薦兹拜 忙有王半山之燮先生一笑而鉴之恕之幸甚 答吳萬項書

火のフションル

定字集

Ŧ

每心服之兹體台意作一書達之中之以台翰可謂知 一色今愧之繼以惡詩道湖又辱龍和突過黃初壓倒元 来使鶴立不可籍之故耳伏祈台恕不具備 得宜小生不敢出位而言也象象拜復不能治擇言語 已又復為教古逸必幡然應聘也自行之日必自酌之 崇仰斗山忽出台翰所諭敬悉小生與古逸汪交書不 白不足以言之也自後無謂不復嗣音悠悠迄今常切 一而未之一識此丈壬戌生好學好問朋修罕見其此

領十六早尊翰至次月初九日尊翰始至整肅披誦 喜慰如之行狀示教仰荷重動真是無一節不包括無 音而首翰又嗣其天落矣巫展亟讀且審壽復康勝何 學其能能為只如姿貌凝重意度粹夸八字已是畫出 其去臘三人家演而辱劉答之一是 謙光十七 日先拜 たこうい ここう 如侍深以所代報家允諾為至幸聞端新歲方願住 字不研車馬選史筆韓柳文法名謂兼之非老于文 答博弘齊書 定字集

金好四年全書 莫宣述但令先代聲謝脆俟三虞之後專恪修書以既 謹領侯遣杭僕併於總有報章專當中納劉生適亦至 相宗其長嗣仲煒亦附此引忱惟先生鉴之達虚谷書 也必具隻眼而後能覺之已即授親好君感慰之深口 之後以摹本拜呈也畫之一教真如耳提而面命之感 |美即今下手春丁以前恐難得便勢只可於此行拜省 梧山翁矣良工心獨苦老杜所謂苦即先生所謂勞

人のうこう 先尊伯交真是莫逆某故人雅弟也乃沒不及哭祥始 李待我之義豈不益于此可見而余寫有愧馬先君與 整辨忽處中存方力留之不容其去樽酒細論不以冗 亦云少而客壯而疎勢也跡雖珠情則塞義也戊戌十 司馬公有言某與景仁與兄弟也但姓異耳余于存方 及拜記曰既除喪而後越人來弔得無近之乎一語識 月初十日訪存方偶值其先尊伯大祥建齊在次日 與呂存方書

教操唯稅侯之門先居先叔俱當游馬不肖何人伴繼 先生枉顧道美意出華緘何修而得斯于滄洲欣幸 操憶去秋道鳴珂暫籍盍自後雖坐嵇康之懶不書不 面然僕心似江水日夜向沧洲未當暫進也昨辱觀萬 愧存方其教之乎 異姓連行雁少時同隊魚隊投情最密梗泛迹因跡 下榻匆忙際論文應接餘幽冥負父執來拜與祥除 答金滄 洲書 E, 略無問言義合控辭然後拜命及力辭之而主人苦留 客他方則可在父母之邦則未可見主人館我今五載 必兼愛也哉樂行四方得此于人盖寡此正願擇所從 知有所謂陳樂者又記肯于故人下客之子而期以受 此躅雖出觀萬愛念之意沒引之勤然自非滄洲義城 其觀人之眼溟渤其客人之量亦安能于總總客處中 不役其将奚從以此言之聞命即拜疇不謂宜然自今 而未之得者别重以觀萬稱道誼雲之萬不容口此而

動定匹庫全書 來矣苦辭求決而主人終苦問不放輕帆好去便吾道 之形留神馳殆两決自進退維谷將如之何方欲修不 將 **軓引之分也夫選珠淡垂可勝凄斷負觀萬滄洲二先** 付滄洲昨雖屢哦此詩今牵掣其事乃爾舟近蓬菜風 能拜命之報章候何觀萬到館尚人申納而觀萬又此 期哉肅此修謝萬與赦原治報魯阜臨楮慙汗伏干穹 生之深知非意也勢也事會無極豈必終無幼驅策之

其早歲侍松坡老師坐知**羣從多典刑**鎖雲隔之尚欠 答汪竹溪書

立雪不圖今遠貽音書及賤姓名誰誤聽獎胡筍雲不 就師模如果迁碌擒選見及不由介紹特達相知樂莫 樂兮固己心許别重以朱丈是季之然患乎然其于梧 能隔之耶巡簷聳觀梅花與有德色令孫恭森立行方 3賢周魯託世契依劉己十餘年詎敢不告而去之總

戀絲袍尚有餘意坐是欲遽拜命而未之可謝蘭實柱

大日日日日日日

足字樣

旅獲瞻師模語未終别去與退城屈天乎人也何尤扶 之少緩歲年安知暫联之不終合今日之不輕去河南 正晉子野所謂好學如日出之陽者授受緣法天筠相 金月日月日十日 其 碩首加拜謹呈路教提舉月汀先生師席某隆冬逆 附此引忱惟是有辜嚴命非意也勢也伏告穹照不備 歸之記室師入萬幸令小院提領即御不及另幅聲謝 凡者即他日之不輕去 浮溪翁者也别楮不敢 留謹壁 與微學屠教授書名的字存博

たろうりられたり 其縊以圖 不朽而已去冬編祭書傳附録增註已成已 教豈期三載竟隨會軍非先生監之以日星之明容之 **憊而歸過即城不敢以藍縷見意謂繼必可以從容請** 聞美譽無翼而雅豈無能以轉聞者先生自此升矣預 此經綸整頓之手僅施之一數學而未大用也雖然嘉 正公廉一洗之昔枵然而不足今需乎其有餘惜也飲 以江海之寬果也寧免于戾徽泮積與如明先生以嚴 此多賀果散材也自度無所可用惟致力先儒之書發 定字作

金月四月至書 均受福祉荒凉四壁茂表飽嚴之意者寸片遣前物微 慢之咎奚以自文然無心之感為威乃感之真不言之 與番陽一並兄謀刊之聞坊矣見編四書章句集註發 說為免乃說之至即辰歲事 久不奉問惟有尊仰中間豐辱頌的不及一字聲謝簡 明亦將過半未得求印正于先生殊以為恨也干冒師 嚴無任戰汗騎後之至 與吳子静書 云落伏想合宅尊大之者

兒曹雅意雖乏便未及今具遵禀狀然已心領恃有老 |漬也因以不敢襟度明豁必墨此衷仲文來知尊復壽 暴為嫌 謂勿令書種斷絕其成功則天也如肯見過不必以歲 意全仲文好學有進深可為喜吾係人家但如山谷所 スニコラニステラ 康良切欣喜去冬之杪辱令似桂山上舍盟書有収録 其遙明宗家公邀嬉處緬想島風無謂而書馬以為恭 與吳執敬書 定字集 三千四

文之意以為長椎故疾恐或不免有發時不如今小 经 成典刑必覆索訓誨之也區區本意欲令長稚一 先生之孫也倘沐以先君之故施及其子孫仰得由此 綱維之但令伴令孫相與習句讀務相去其不是不及 敷孫應命此子雖教之十數年然未當出雖仲文以為 處不以客待之而以孫教之則庭乎其可先君之孫即 可而某不敢必其可也所恃者先生以眷家祖行提 漸稍慣可以悠遠籍庇某也未沒之年無非感恩圖 一出仲

晋疏登上壽臨指不任奉孝 たこうことに 随手録取歸日要觀仲文非特益友實足為汝師渠之 夫子静先生博淹修潔可以資問請益好文字好說話 我本未欲遣汝出偶遇機會故如此汝須是自卓立自 報之日也夫豈惟兒曹而己哉末由拜侍敢乞厚自珍 爭氣自求長進自做取成人不可如前日悠悠見笑于 人今幸遇親家執敬老師重厚典刑可以親灸取法姊 與子勲 定字集

|金片四月全書 做教人解書即是我自解教人熟而記得即是我自熟 且放緩然教人讀即是我讀教人做文字即是如我自 自有長進又教人讀書今雖不必與人盡解然我却不 自記得教人便是自學如此力行不特人有長進我亦 永無失今受人子弟之托.須是且以教人為急自己事 不自晓得须是每日隨人所上之書逐段自檢看解 ?得不可徒讀其句讀而不晓其道理如和尚念經 謹守之不可一毫違之按渠之言而力行之

楚人家多不樂此不宜施須是動而有常謹審而不敢 容而分明最不要誇張妄誕學生事業與主人商量各 也每日早起晏眠除登厕外莫安出一步不可與人閒 近與曹公交信報中全出示乃尊八十老人嘆末章及 輕易能守得勤與謹二字萬萬無失言語要簡而當從 人具一日程而日日謹守之 一句意是非待學生必正色端莊如此决不遭侮夏 答具仲文男九十四首

次七日華台島

定字集

ニナベ

有形于天地問而為人所受用觀點者皆假我也名僧 為大而泰山為小使有據鵬背而上九萬之上其下視 即山之具體而微者且天下大小無定在狂生云秋毫 泰山亦卷石耳假義有二有真假之假有假借之假九 信索之得之當録去也弘為石假山詩曾見之因戲成 弘齊弘齊和一篇併尊文欲抄示以匆匆未果次第再 有偈云百年借汝閒觀孫仲益當拈掇以為尺贖見之 首大意謂木山可言假石非假也一卷石之多卷石

半有力者不計也以此竟成古句一首不曾帯歸匆級亦記 為已物不過假借之以這吾之樂其德自可以不朽縱渠夜 自義黄以來泰位亦幾換山主人矣爽鳩氏不能終古常樂 註中雖泰岱齊魯青未了者齊魯之人亦不敢認為真己物 何如賢甥之就後篇五峯九拳之說不為佳不如前篇吾文 之不過就正當道理末段嘗就得德父好處出矣吾甥以為 不全未及録去又恐中間或者不察以為含識遂不欲發要 たいしのいかという 之也今德父為今季子知在徳不在山石小山已物而不認 定字集

然亦問有好處有暇欲盡註之但不知有力可成否耳 詩本平易易解內劉批反艱深其辭却解不得可怪見之否 自有意深淡不妨不必為俗人遷就也如何如何令弟處留 下杜詩選半冊乃律詩望索以見示近見劉須溪杜詩註杜 毫為大泰山小大小定在誰究之倘騎鵬背高九萬下視 泰位應有兹吾謂假字有二義以假借言端有意人生字 山之小者逾怪奇若謂卷石不是山撮土與地有二與秋 石假山詩曰木山可言假石山何假為一卷石即具山體

命员口居全書

灾定四事全 間適吾人樂聊爾假不妨夜半有力者 李子小山已物呼假耳元和在徳不在山德意不朽山意 認為真典鳩雖樂豈長樂但視為假常欣欣延陵德翁全 土艮岳石力為兒戲堪笑嗔泰公真山青未了齊魯亦難 有之散斯棄學從義軒具項辛泰岱幾換山主人芳林崇 **廬山園併貨質借以閒觀了兹世條來忽去或終身氣聚** 宙問形即百年偶凡所受用莫非假欲專一堅母乃蔽田 定字集

其能廣人見聞者亦不少近見答一書甚詳盡敦寫末書一 憐過之萬萬吳恕齊講義于朱學儘不差亦無大過人者皆 承索放翁詩見遣去其詩甚典雅工博極好學南渡後乾淳 老天照觑這間人晚福真樂可美也視虚谷将死五律之可 絕云孫曾鼎立淡垚室年歲珠聯寅卯辰或抱或攜無不可 弘齊雜作管見內有吾輩所自能見到者有傷已面得之者 不肖所能知能言當摘録之後便歸納

以來詩人如此公者不可及矣承和詩首将圓行應圓物 之易唯有卦名而無辭自文王作卦辭周公作爻辭方有 經卦皆八連山夏易也歸藏商易也令之易周易也伏義 但以古心傳古人好周易二字不過周家所作之易三易 易為體變易為用朱文公論之詳美虚谷桐江續集有先 |今之易經孔子作十異乃易之傳耳易交易也變易也交 近至四年 4号 大不是此不知何人好奇之論而虚谷誤信用之耳 後天吟百首多好唯其中說周易一首不是以周為周流 定字集 三九

詩壇律起結小不滿人意而兩聯紀住舊傳全詩數篇 豪壮工巧無有之但不似蘇黄一輩之渾厚耳諒于中 五ラ 承錄示尊先吳端翁正詩序及摘聯極感摘聯俱精絕

氏作絲衣堂記此詩序高于記相去十餘年筆力之進

名見于坡詩吕成公文鑑選其詩文近傳其為婺源胡

可乎是以論其世也楊尚書名傑字次公號無為子其

原文獻之正脈有難以一縣論者與誦其詩不知其人

大三つら ハナラ 本義前所列諸圖及祭節顧易傳後所說祭看亦好然 |寶祐丙辰文榜易義過省許許山屋名月鄉以易題別 之證數此引証失之巧矣齊曾瞻沈毅齊高弟名與龍 躬之時但得魯瞻發問之書一觀方極分晓否則尋此 看易圖亦恐未如許精到器果其答想是初年清明在 院所答魯蟾問易圖一書恐非山屋山屋文學不類此 何其中有云孟子謂伯夸太公盍歸乎來斯朋來無咎 如許可敬畏近示冊子胡餘學復卦講篇詳明不可及 定字集

|矣高作一冊遣下環秀亭賦振方公秀亭記之餘意幹 見體早送來不失隆元本失之則技本塞源抱恨無窮 已付之所編述甚欲以傳知已度廣其傳但在發去者 金分口戶台書 為知己可也近日光姪至見記解必欲借曲禮上下去 福姪授所惠字已悉喻及孟義諸真者誰乎甥舊自相 勢自好 此書中亦多有徒詳而欠下語精妥處亦容有誤處大

道院記來以逸老人之餘年餘年只可自言不宜施之 J. K . 1.1. 卷説全善勉旃勉旃 克人二字當改作踐其得心亭記月齊記石假山說批 亦住逸老園記模寫工意趣住斷制之法從弘齊南山 心境記然亦不能全善三石說自虚谷千佛閣記來 于親當作萬年祀社文甚住無鵠形矣幾以克人形也 甚明暢多景軒記末因以箴之可取望遠樓記雖得之

金定四庫全書 之老舅初十日歸十一日便下手解禮記今早奉先祀 前遣去孟子口義看後于盛意如何人回試一二語及 吾家亦有此宅相也老舅不能如山谷萬一賢甥殆過 午後讀之至晚亦了却內則一篇四日共十七版高作 不成霜降水涸未可即遣回當選寫數篇問以示人云 避路但勝是麗勝淡辭勝理年漸高筆漸老他日不忠 為城意有所祖述漸漸看至中間漸入展境老夫當 快筆力大是長進出出逼前並不止目前所罕見第

いたこうことに 統祈乎亮 其自苦不能閉也念之否邊閱所問至孟子首章仁義 字检尊祖老先生以次並納福老姊康健尤慰近來無 人至首詢椿柱消息知俱錦選各遂綵侍甚喜讀所惠 留者関仲叔尚黨相過惟飲水相視而已恐不免此爾 、暇此為骨朽後生活他日當與賢甥細商之亦自憐 洪師川遠矣開春晴得好過我少数但恨無可以款 定字集

金定四库全書 它日看也此無他蒙他本萬告而珍之 吾甥先遣前冊去自謂稍能得朱老之意望作急抄之 義字之疑昨歲所成孟子口義已及之矣不可不傳之 兼尊嬢安人貴悉如許何必稠複講此却則不恭受則 伏承椿萱重疊之賜母乃如文帝賜張武以愧其心耶 換後冊去有一後序內專及此半作而止吾甥勉我成之 重愧感激之餘繼以嘆服也侍邊千萬為道謝意前日

人之作何敢望其萬分之一虚谷之作切于小桃源尤切 段且前紀述志隐子之言後方為之作歌正用送李愿 皆無發明得志字有力者匹夫不可奪志也若志立得 隱然有諷誠意下此而作者尚當于志字立議論諸 盤谷两山韓子歌險語音文世常有高風清節士無多 于今日進士之難之與末出作序者與本人之名有手 序家數番陽張仲良一絕句亦可取廬山千仞歐公賦 定字集

所發示文字巫此歸納此一宗文字虚谷遠矣以下諸

或可奪其膏肓 隱豈知隱耶恐所謂程堯者亦不過借此為虚聲耳段 定灼見世當隱而隐莫說三後九時雖千後萬時亦不 有赀可求仕有媒可進仕未保其不奪志也以此箴之 名如盧藏用之終南捷徑李渤之少室索價此而謂之 可奪吾之志方足以稱志隐之名若販賣雲壑邀射虚 胡仲虎四書通庭芳委校之且令是否之好處儘有但

欽定匹庫全書

至所更定而刊之與國者為據今乃不信其親孫之言 公追孫鑑與三總領題祝氏附録云後以先公晚年絕 一人三丁丁二十二十二 也得于心而不失一節來辨謂得于心而不失為定本 客天地懸陽乃隱而不言而專以為政篇德之為言得 雞子討骨頭處甚多最是不以祝本為定本大不是文 得于心是得何物不此據德云據德是道得于心而不 而信外人之言只看中庸首一節斷語諸本與祝本疎 而非行道而有得于心之說得于心何必加以而不失 定字集 少十四

前日不曾戒甥一事夏秋之交最難將理將理之法弟 失乃是因據字而下不失字耳似此之類不少只是纏 辨數年前與之交頗信吾言凡所云云皆具存也 得已而索水不岩只激去烦熱畧略嚥此入貿購不宜 如遇小渴不如忍之忍之而惯自不思飲如遇大渴不 引湍大吸快意一時以貼日後牌寒潟痢之患也渴時 一要不多飲水不特冷水不可飲雖熟湯亦不宜多飲

金好四月全書

之自不渴此學仙妙法 乎冬末上來望帶取紙筆文字當傳者作急了之若似心 **照病且頻敷亦不用心皆不可望能傳吾學者其吾甥** 欠いりゅうべきう 感但稱獎過情自家舅甥只贵用實意不要如此故事 悠半年僅傳一二 閉口卷舌挿上牙之內自然有津液來候滿口細細驗 日抄一十二板不過循循寫未當汲汲也十詩 何時是了近日某借人朱子語録昨 定字集 四十五

的之好夫家祇以自家子好待之有不是直戒切之尤 甚妥帖工緻起八字妙但宫居二字不好吾甥好學好 所願望見之只令在中門外不必令入中門一步此 承惠字甚喜所言言言允當可謂爱之之深使其能一 問故一髮不貸如此甥所作比近時所見又進矣可喜 可喜勉之勉之 謹守則吾何慮之有哉勲兒既見之後仍頼苦口戒 B. 次已日年白日 三令叔祖不可無榜又不好下只得下養姪孫三字如 詩且當作絕句先五後七未要便作律詩做絕句三兩 舉業往往只理會作詩真實詩不易作簡不可不作想 其不至包其不能是所願望舉業一件今日相尚不做 月見蹊徑方可問津于律向來老成而能作得詩成者 何所當見之者家前華望一一引之進見教其不及扶 件不妨以客禮待之也見令具榜子去衆諸尊長但見 子弟漸長此等亦漸作對簡詩口義之類皆所當習然 定字集 四十六

神無益也 學生寫一幅本不過摹本而已日間不可一刻放過燈 自少況初學乎先易後難漸近法也熟孫字畫未成不 可寫本見付去黃字顏字令摹以授同應某小年編録 十只宜立定程限讀日間書每般讀幾遍讀足便就睡 太早致終身寫字不好雖教學今三十有六年未嘗與 弟精神有限不可徒久坐而瞌睡徒损其明日之精

睦媚人之行也令权一房上而事父母次而待兄弟族 一昔自恨海命不偶動遭反噬以為芝蘭而滋植之變為 冤家有何實益其子學于吾者五載今反以德為怨平 初九得家報方知邑中有公移到來賢甥宜與說作 欠已到 上上 荆棘以為鸞鳳而卵翼之化為泉獍者往往而是孝友 陰狡最 損人福平白善淑最增人福甥其開譬之若, 分難言望勿各一行面盡其委折尤好 、外而待師友于此四字如何天理人倫有是乎沉毒 定守保

時千萬過吾家詳細言之塞上翁曰安知非福乎尊祖 甥者甚遠宜以公平正大為心不可一毫效彼也回宅 聞犬優升屋蹲而吠此妖也仲者一病此怪證竒疾也 金为四月四十四 此回之事亦是宅中房下一項大變折得一番大禍近 厚德所以待吾甥一房者不薄其面以喻我之意甚好 待天者之定于此事拋棄之不要留在心自吾所望于 此誣與而病遂愈豈非破財折災乎甥宜以順處逆以

遠,業初聞必不平以古君子之事觀之以理遣之未有 容面商之然後力質其決吾于甥所關繫付托非小事 力止之敞户惟其無稅錢所以可與學中打捱若幾有 此若出于戲言則付之勿言若或果有此意乞賜一言 某有小事仰瀆尊聽近日與可叔面言要割稅入散户 不平者相爱之深慮其因此饞寒或生疾也切望自愛 甥切宜克已自強以慰老懷吾于此當找目以現甥之 與梅屋叔 モデま BF.

恐悚伏乞尊亮 他日之大害耳此可謂名言若夫包納本户一二百丈 見得一介懦夫 儒户而受人税錢今日但見小利未覩 先祖通判做一世官不肯受親戚族人一文稅錢寄附 百贯錢稅便為所牽持矣五城省七兄嘗笑黃麟哥謂 利以始他時之大害割來易割去難某人之事可監也 可戒也謹以直覆干賜以仁人之一言瑣瑣冒瀆恐悚 則尤利之小者便是貼之以七十分亦不願受此小 P

亦自辱吾鄉貢進士也諸公贈行詩章亦宜彼此互相 指摘推敲不至貼之山羞為住劣姓行年七十有三老 所謂作文要可張吾軍然後可以出手不然是辱吾微 工心獨告者其惟吾叔與二三知心乎番陽名士如林 恨草率繼而思得其說奮筆一揮而成議論頗精切不 日昨領尊翰為曹學録求贈行詩序引嘗刻刻奉答殊 可移之它即它人節節照映句句工密字字秤量知良 與春塘叔 COL MIC 910

致定四庫全書 録示人以為記尊翰亦以為記非也此詩恐不可出以示 近日作答信後某日高一哥來方知所寄還程松谷文 寫呈似過尊目以授曹君 都但似非其得意之作後一首可以出手必元自有真; 矣其言雖苦而味煩腴聞者當不罪之秋崖耕緑堂詩 蹟奚以某之再寫 為哉此說不及奉命非懶也叙引繕 人內有諸人讀書不如睡又云者也之乎助何事識斥 復實仰姪名光

文記与上上上 卯生邑市無人推 薦此等無狀無識之物可哀也哉今 大夫上之司徒初見即擲之非之不凝來取也此人乙 無此體例也夏放最亂道汝何人敢大言無當将與鄉 生履歷及垫地亦一字不可移用于它人所贈言則不 鄙意道理亦實是如此輓章不為好却見盡其家世平 字挾以自隨将歸後送還之未幾到與可處今必歸矣 見發程君可大所求之文到敏求兄處遺像記頗自恆 可言序序必送人行乃可言吳文與夏放皆謂之序恐

與老婦言之今年又買得一件書田矣自到暗溪後便 半年數月後可以逐旅借看亦一大好事預以此賀吾 年老眼昏花不能價此願遂為終身之恨亦漫及之言 儀禮全書七十冊當妄意欲抄取一部繼亦成悠悠今 不能及子西總管亦頗有好文字初自江陵回得文公 曩歲見好文字必抄或摘每歲必進得一两書當自笑 物足以當此漫及之可發一笑賢姪所寓渠宅多好書 亦死矣康節云還知虚過死萬過却似不曾生一般此

金クロアノコー

堅彼中已有利主矣近季真貽書盡發全書共十一冊 所編拒之不於今夏養晦之來携乃叔所編四冊見示 遂亦發數篇授之盖深山之子季與将携入閩板行甚 從其言成得三分之一繼而海口董養晦又挾雙湖書 去年婺源胡雙湖數相勉将察氏書傳編附録餐疏勉 此者勵吾姪可為之時勿蹉過也 小欲借所編采入其叔父董深山所編中以不見深山 與萬四叔翁

光子生

一面定四年全書 共看也今番此書覺無餘蘊矣老來自苦東坡所謂頗 餘篇浼髙一哥錄取一本為底本髙一哥亦自錄一本 相悉次第将軍却将董編泰取自堯典以至微子合為 生好見識遂因其已刑者而痛刑之秦誓以後者與董 來該以删定但其所編多汎濫不切自家議論尤泛使 不審各智見之否如未見則高一哥解盟時必可携婦 人不滿其書先已經王葵初及雙湖刑之矣葵初丙午 編蓋此原有書解折衷故成之頗不甚费力近以十

IN. 10 HOLL LILL 先生耳至彼必自刊乃父名予對以未必其然我之忠 蔡傳集成亦聞置一部此名亦大言無當到何處謂之 利前賢予骨朽後人眼目亦自憐也因有餘紙偶及之餘需後 等猱談初馬用半年之力授以成本之時震哥云彼拐 之語亦商量寫定到後一切反之今刊者却是元序何 便切冀心亮 集大成初與約並名而利為改乃父之序文外面書会 定字焦

金定四月全書 客其如此內他人名字差錯者不少字畫差錯無限初 有之奪吾說以界新安胡氏者五十許條雙湖在必不 厚不逮後生之明了遠矣此不緊要也愚謂其中有精 書也已改定成六卷近日方畢非一紙所能盡具詳自 語由南而窺址等是也與禹贡初無毫髮干涉徒爾大 切而遭去者無限逞其懷爛之辭易其擔當之語往往 言以見其博此子不識妄加去取令人憤悶不得為完 授之本外添熊氏之說無一而是禹貢中有大亂道之

節割裂使看不得有遺恨中間胡雙湖實無一字凡新 本點檢便可見構筆不能盡也字說昨早方成亟亟書 安胡氏曰者皆吾人之說也雙湖至公平使其在也必 發商周書去董之罪不在畔盟不並名以刊而在妄則 不肯如此董亦不敢如此因筆及之仔細将此本與刊 十五日迫晚僮來领惠字已悉虞夏書已有兹不發盡 刊察傳本末當携歸與高一哥一觀展怡然賞之 Į 乏等集

動炭四库全書 學數年前館于飲因得見弘杰先生甚紫稱賞回具 字以問近況此甥乃其女兄之第二子自少頗為志干 尚難偶外甥吳仲文過我謂特欲造函大進拜遂拜此 去餘需嗣便心亮為荷 恨不得親承博約之為快也去冬聞今歲携琴書為汪 溪游甚喜當多于盖簪豈两各乾繁條閱一两月一見 不面不書忽忽數載兒姪輩來往幸得略聞起居然終 與黄末心 卷十· 1

之兄長有可提撕整論之者幸勿各罪呂來歲仍館于 長干滄洲全大暇時當必有此行桐岡自杭回滄洲必 啟順期待不濟繼曹以其詩豪呈虚谷先生亦蒙其賜 多方開解之順而安之可也果于兄長託深契故晷及 不恆其意者年來吾道固厄而此甥之厄又甚馬亦當 為一詢之偶一言而合初不知其詳及其至也乃又有 以意見不合力去之偶見過聞梅結有一館未有人試 跋期待尤不薄試一印之可知今歲先定向果!館 定宇集

ら 尊然 欲假如何偷問先一省見亦不敢落後也格盡只此切 金月四月至主 見之兄長得暇與偕行一游亦好但主人留外踐迹不 與金滄洲

曹二公皆稱許之今歲為梅結游果自悔其輕于一言 已平復兹有少票外甥呉仲文後一革行之可望者方 久不砮盍多相燕鴻近聞台候稍稍違和天相古人想

此甥素聞先生斯文北斗吾道東風意欲下荆州之拜

兹有白事未言先惭昨歲两薦塾師两蒙聽納竟皆為 愤蔑如之何别後啟處何似乏便不及書每切馳情最 去冬留色郭獲晤語豺狼不問麟懲受証徒為左右嘆 是失禮尊兄足季令姪民季其不以海誼咎我者發希 **詩益也乏者修字不謹伏干恕答** 遂拜此字為之先容有可賜提斯者乞勿各其詳見求 心信中兹不贅桐岡自抗回車後當必過此又可飽野 與中澤程氏

たこりうことかり

定宁集

為人所誤耳舍姓名光字寔柳戊子生從小問業质疑 之厭之矣然尊兄見起几庸當亦鉴某非故欲相誤特 聽置之西塾令姪令刷不為無神某非如王氏有譽兒 應舉之文近寄經疑十篇加之淬碼儘可應試兄能見 于果學識頗正筆端亦俊性行甚純字畫儘楷現亦習 反覆者所誤遂誓不復言此事今兹有言恐尊兄亦笑 金好四月百雪 舜知心之前不嫌其直也 答考水胡監溪代子西

前日以瑣尾細故不獲已又修字為記室演發未二昕 比貢柔被特歷答翰光芒飛動與二寶而三珍感感某 為行計避左里之險道出九江不獲票違政此自訟記 材作複線恩受言終上有七十歲之親遠為二千里之 圖証雲都穆叢珍稠叠嘉而,即之禮甚豐也 卻之不 久之家嚴時勉之行君親之命俱有不容違者遂方敢 後半山所謂古人一日養不以三公換有味斯言超起 夕而素使突如其前晉帖翩然而下矣其何以當之某 きずま

|登定匹庫全書 輕率是以飭墨如以代面謝伏乞宮照不具 某近者上差先君過家尊慈崇為契誼遠賜賣臨於張 之耶禮記所云如斯受賜癡兒何敢不拜 恭受之有 愧與其不恭也寧 愧登嘉勉受何以報之外 辱霜蹄謂賜虞祖屈産之馬似復晉歸其不欲明言卻 忘日欲躬走仞墻以謝迂臨之辱恐勞起居以故不敢 交好乃今見之先君有知衛站必矣况于具孤其何敢 謝送差

西既 為盛德事其如老生之不追祇受何一拂拭一步優無 繪之叠雪讀所惠翰知雅意已先于未将以迹觀之則 果昨者讚揚好事惭愧善歌曾微拍調之過雲邊賜練 非銘篆恩私時也亟此占酧言不盡謝何時簪盍悉留 似磚之拋玉之引也念售憐貧煦濡而濡濕之在左右 謝星源王正山豬肝及酒 謝優機中幣 AT THE

多定匹库全書 别言歸一步一感渴教信宿尊仰方新待雕之柳露青 某昨效龐公之入城勤陳蕃之下榻擾春風者深矣揖 與公子彭生携手同行惠而好我從事曰相與入醉鄉 懶殘爐過六花誤約孤負燈花如此空樽何青州從事 不已果棚腹而謂之曰此中空洞無物能容御等數百 可乎彭生曰吾平生吐出肝腸豈曰豕交之哉二子辨 人願借前箸籌之二子曰善竟歸心腹 代達汪静軒

次定四年人生 特此慶言且有珍此何足掛齒牙者君家山谷喇小 矣梅落展玩跳花與有德色某兹蒙親慈以寒家增累 某不見叔度鄙各久生又得山谷刀筆都各亦掃而空 也仁者之靜與松離俱凝定仁者之壽與椒稻俱延長 賓春之梅終白栗咸臨之吉利进開春之亨嘉此其時 歌梅澗芹以将此須惟尊慈不以其輔瀆而貪受之則 百斯幸以序附特此致意以達愚誠 等祈尊恕 答黄叔玉 定字集 平

鄉以訊近優寔沈崇之尚未脱然坐是力不逮心非意 坐他冗不克躬餞迄今愧之猝猝言歸念欲即詣鄭公 某昨留都下與君為莫逆交真異姓兄弟也英游時乃 德詩曰中年舉兒子漫種老生涯解著潛夫論何方無 耐不敢先施統祈親照 外家此兒之育適可似之敢借此詩歌之以謝短節占 ,即辰春和景淑寅想荣侍萱親婉客喻色音人所 寄鄭時卷

次已日年 台馬 誨涵義辭情條燦然十從事之內燕山昨夢居然喚醒 非意德星之聚竟成參辰之不相比也政兹渴仰劃棒 發側 聞大柿祈紙 職于星溪淌擬回轅可卜望塵之拜 某春間度頁一箋随沐禦答繼的則墨方蒙演是惭未 **芥藻火寓寸誠一笑領之幸甚** 謂壽鶴舉慈顏和者不得專美矣健羨健羨火需賤體 可以奔越即容問師潭途伏謁墀下以究所懷也不腆 答鄭時卷 定字集 をた

金与と人人 見為憾幸将心蔗漿錦棚之適以待殊綸不宣 仙鲜逍遥水晶宫中暑溽梅蒸潛却無朕彌深散美未 儀龍賜充物衡茅卻之不恭勉拜雅命之辱緬想德門 事也先為時棟根稱或以次以馬子日望之馬用佞多 事宇宙一卷時止時行與道默契止者暫也行者分內 間今之隔潤牵于人前之會聚相之者其天乎靖惟執 並轡連床易得之半萬里外握手論心乃艱于幾三舍 答李泰宇

蒙台翰緘示寄府判先生住章感激感激忽忽未暇載 無波相及者如乾沒何 塵出麥岐之秀意見李蹊之真有笏可拄耶莫倒持否 **基兹承一扎遠的多儀繁雪天之玉貍横水泉之赤鱓** Self like the 磨姑少侯之前日避追李澄學正當百稟欲附課稿還 問已回轅矣兹敢附去轉為左右讀得附示此姪不至 **奧鄉姓已荷留聽昨晚携至總管宅則知入長干今早** 與戴廷岩 定字集

金好四月全書 心則以其尊翁亦在邑未敢聞斯行之所達總管書敬 也荷再諭及足似誘掖之盛心賓場侍其剪翁在已見 事魯兩生不肯行寔以年未及格亦理當然非有他謂 近得盖籍别來條兩閱月兹領妙墨如接晤言保舉一 假惠之幸甚不敢污損當珍護以歸查府也 沉浮多感多感屢許以虚谷續詩罷假尚未示下得終 留于此俟歸投之如有令兩生行之意尚當具年甲籍 答汪景初教諭

C. 7.2 2.1. 勞是以欲報而不果今謙翰拳拳雖親辱執綿亦不是 切知感彼時自合走報盖以路遠且春雪連作不欲重 之俟有住思則綴緝呈似不具 貫以聞止軒之文發忘之矣近有目疾不欲苦思以甚 伏辱誨示以先人襄事特加問勞足見篤叙之萬誼劇 /謹拜此以謝鳴謙之辱不遑它及切丐穹照 代金赫翁答季澄

見區區公其謂果何如人哉謹拜此以鳴其所以然亦 于是簡慢之处愈不可宥矣過期之餘南能樹溪毛以 春首指仍墙展優端之慶禮也既而冗奪至于級麟令 忱則不以書問疏數為恭慢也兹恃寬度偕有票漬此 首罪之一端也惟尊慈鉴其隻影而貰之則百斯幸矣 旦親稱觴致椿松之祝尤禮所當然又以冗不克趣前 與汪季澄 一瞬許時箋敬區區亦以無謂不敢穹遡寸

書之解語婉曲當蒙於體兹不換為馬明演如達乞頭 欠足可戶在十二 定字集 不至沉浮夏為至幸職尾塵瀆非恃契愛不敢及此不 指左右為遊上如不欲自發去則潘半村罪兄石養蒙 上梅先生未必注意及小生也兹拜梅先生一書怨之 蒙前任諸學官寬恕今忽例遭勾罰此必學可混同呈 月朔日承本縣文書為路學儒人不陪拜事勾與且罰 正兄二表兄次等说一兄為接之亦可萬丐必為接達 鈔小生自甲辰秋丁及甲寅五月拜朔十五年間外皆

个一

金グビスといい 靍 出龍級魚入壑自喻其樂可想也今者先生全節而 謝此奚以謝為哉前章謂進之難不若退之難至以於 比者不揆蚓竅蝇聲借唇休官五該過辱鳴謙鄭重以 遠胥晤當得面謝伏干台照不具 不盡故享之亦不盡先正定齊翁不盡取之留以遺公 奚以謝為哉取于造物也廉故造物之報之也永取之 退,高矣先年而退尤萬也高之故樂聞其詩而和之此 答汪稱隱 老十

2. 12.1 1.1. 也未卜省謁惟冀厚自珍護以蘇上壽以儀鄉邦謹拜 今忽忽七十有五矣猶不免傍人籬落是亦不可以已 自桑不進先生當廻顧之期望之負此知已每編自愧 陽氏豈可涯溪也哉果不肖方年六十有三可以進而 而公又不盡取之留以遗二季位不滿其德天之與平 乎何當得脱此縛從公于山之巓水之涯以傾倒所懷 此以謝先辱伏楮拳拳不宣 與程材仲 ij

會之于族叔與可家與之言適值其将經過鄭里之的百論令薦進名祈嘗以嚴陵項君松山對歸之次日適 某昨日蒙尚書招致之為一二日之留似十四年之别 年子西之雄親三旧松山與馬去年之鄰內赤丘松山 之約而需后期一聽裁酌此大游諸公問多敬信之告 之如愧何揖别言歸彈指項忽忽數日感激未渠央也 飲食之錫子之賢昆季之于故指得之矣老拙無以當 便遂以隻字為之先容或即偕之歷覧以訂所擬或與

多好四年全書

法馬未見顧清心養氣以迎多祐令兄處不及别字禀 專馬以賢民季之萬一見之餘必自能賞識之何待愚 不宣 言之赘哉以拳拳堃親之心適召地仙之至似亦有緣 欠こ可見 かたう 関 月間抵邑詢尊祖老師近優知無悉方以為喜留宿數 某顿首拜中慰濟之教授學士尊契家兄大孝某近三 不殊此松山行速拏楮拜此殊愧草率惟髙明恕鉴之 慰曹濟之 定字集 六十四

金为四月百言 脉之傳賢足季所當勉也某自聞計音即已動念謂辱 子卒雖先聖不能免也六野孫之善繼理也子思續道 其傳真矣嗚呼平昔泰山北斗之仰今其已矣恭惟老 恐其真也感者疑其非真也未幾矣觀萬歸自邑方知 **班上壽有永何可憾者二賢嗣之先沒數也伯魚先孔** 口而奪之氣及為師儒炳紫陽之燈而傳其心全節無 師判簿先生乾坤間氣海宇偉人方為程文關舉子之 日而未歸未幾忽有風傳老師計音者驚呼惶感覧者

とこううという 呼名尤幸諸兄荷祖父道脉之傳而尊兄承重之責尤 莫文以爲奉孝惟兄為焚白馬萬幸今弟諸兄長一 言於心終有打不過者無以寓意謹致雞酒之敬撰 之行或參商不相值盡尼斯行小生思之有如龜山所 之擬以少暇同觀萬黃求心問葉舟之途面慰有日五 師一人耳為不親往以哭以予于心安乎即與親萬高 老師之知自丙申迄今二十年平生無知已知已惟老 月又抵邑則聞諸菊存先生謂昆季或它出恐小生華 定宇集

金好四月全書 必不能往予則欲附一書以慰探便無從迄今耿耿哉 某自去冬復書後今春有傳先生今歲携琴鴈塘者為 勒存迹呈伏于台照 重惟節哀順變以遠者大者自期至望至望兹拜字托 前的勞之痛也又恐因此未必遂拜識之願也度老病 衰三年之變者為之大城城也者想其同我三十四年 之甚喜喜也者喜其有拜識之機也忽又傳先生遭齊 答汪古逸

久日百戶 八十三 生于禮已在不毀與惟哀麻之間當體母氏之心為心 母氏之心豈欲重白之子致毀過哀以戚我冥冥之懷 先生厚矣生也有涯數必有盡今日之變可無城矣先 世誰有以六十六之子而得事幾百歲之親乎老天于 脱的何年以尊年六十六則太孺壽數可以想見人間 欲今早作書而昨晚篝燈時領先生所賜海翰矣感甚 愧甚靖惟壽母太孺人年垂及百濟登萬壽雖未知垂 兄廷芳連日留外家謂其居距為塘可十里可附書正 定字作

聲時前書想未達今想已達矣照磨未幾言先生近惟 近董季與行當附答書方掛漏是懼江既磨至又辱寄 恩言而寬旅中之懷耳 處之是矣又何待愚言然循不能忘言者盖欲先生因 而赴館亦交友之信也交友不信亦在非孝之科先生 待愚言欲持服于家思親之仁也今過卒哭之期以勢 乎先生念及此可以酌居喪之禮矣先生知及仁守何 慰程前却

金万匹几百重

于文公夢莫之年年九十三而沒格山甲申生年已六 憾公孝誠天至新 罹此變恐不能堪然證之禮六十不 壽造太夫人之城某間之驚嗟失聲徐問太夫人之年 言則已過之願酌其中而處馬向者畢梧山之母徐生 毀七十 惟東麻在身以東麻在身言雖少不及以不 毀 天之厚太夫人至矣厚公尤至矣自他人觀之足可無 生年六十有七而上有母在百千萬億中人又能有之 則上壽九十年登九十百千萬億人中誰能有之以先

客梧山門此語是錄也願公深體馬前華云萬人載中 所自悉言之似對敢援梧山之母之言以為公告某久 一十九乃母初病時丁寧梧山云我年九十以上已大幸 而喪父四十三而喪母家貧不能養欲養親不待以公 太夫人自愛為否道自愛儀州里以幸後學果三十六 不惟喜汝宜深戒之想太夫人之見亦必如此禮書公 汝年垂七十宜為我自愛汝若過于哭泣我冥冥中亦 人晓性理文章萬人叢中如公者敢無一人望公為

一多定匹库全書

兹會廷芳方深知之始敢度修此紙首惟墨察某比者 言不覺涕四横流也願公監此而自覺馬至態至態 之家井古必不缺且親享髙壽仰視之愧死對照磨器 たこうう ハルラ 一天 某久不交書則亦有以中間聞執事有何憂城而未詳 甲戌混補回途得參觀之人物領然玉立今補隐隐心 嗣聞名久矣而未及識於矣酉點薦之文嘗得伏讀之 不意慶門凶變有尊翁府君之戚府君横舟老師之嫡 慰友喪父 定字集

面慰而以書惟孝子仁恕察之兹因廷芳回附此以寬 者自期此區區下交之所望于心契者老衰道阻不及 禮意何待愚言想三虞之期已近之或過之矣願以遠 子弟之托乎此其不可為一概之哀也明矣執事熟知 言而事行言而事行身親之而後行之分况不免任人 教事惟此與所天同哀惊何以堪然又聞之在禮有不 台懷象卒不具再拜申慰 目間不謂幾償識願而遠仙遊也禮為人後者為之子

金牙四月至書

不忘者壽不忘何也死且不朽之謂也古有三不朽曰 經乃今天不愁遺奪此大老使後生于何而考德時则 于何而就問識與不識皆為流涕刻足下純孝天至其 始者風聞疑而未信夫以尊先太師後學山斗的代養 此者不謂慶門心變尊翁堂錄太師老先生奄棄明時 龜縱不為衛武之九十入相亦何好如伏勝之期頤傳 何以堪然有一説可以舒足下之深悲老子有言死而

之壽與城文仲身沒言立之壽相維于無窮視相如之 且死而以封禪書獻設者過之萬萬皆具人謂孫仲謀 部使者已轉而上聞矣行将垂世千古不朽尚父天命 立德立功立言老先生德為人師言為世範者書立言 不鄙其狂愚而幸聽之禮合躬請總惟一解一 任者為何如某不換僭越以慰以期惟足下抑哀順變 業扶持先生所若書章章永傅其視僅以一至之哀自 曰此豈孝廉哭時願以遠者大者自期勉進久大之德 働于以

動定四庫全書

交巴口戶人一 傷悼曷勝即欲一詣總帷以哭以唁家事如蜎酹應不 烏何在即水而魚空肥甚為哀装盖可想見自耳兹聞 誠天至愛敬兩全考叔之羹将有待而遺孟宗之解将 有待而寄一旦邊遭此變何以堪諸自兹以往返哺而 某兹者不意慶門凶變壽母太安人奄棄榮養執事孝 高明恕而察之不宣 哀死而形生顧影自憐有願莫遂慰信紙又監魯車惟 慰胡濟鼎 定字集


漬尊也近此月初吳甥過邑郭會仲玉學正知次令嗣 某不修箋敬整整經年非于師門簡慢也不欲無謂徒 統祈親照 自期是所願望令昆季翰學至孝不果别状意不此殊 是用拜此以代面慰更望節哀順變勉進館粥以顯揚 獲又隻字之復 務縱寬度不督過之愚獨不愧于心乎 追外奔內是日不暇給忽忽歲蛇赴望矣既躬造之弗 慰曹弘齊

老十

士行言越騎酷沒天下痛心何況人間父子情乎自聞 之高年而惟此倒置之大故其又何以為懷昔人為陷 裁慶門之凶變一至此哉先生與判間安人俱以八十 寄聲見報謂希文竟不起矣驚駭痛悼無以為懷有是 生之城耳要之人享受符直二五之氣數或厚或薄或 隱憂之無從問訊日後平復之音忽社后之四日竹牖 命文抱悉問何證謂胃弱不納食某雖不敢言固己竊 此變即欲奉慰然亦無説以寬先生之憂恐祇以重先 SEAT LE

有素處常達變必有可以自寬自釋者何待愚言天下 所使人不滿者以八十之親而繼哭五六十之子則為 逆耳此為理之所不可解要亦數之不可逃先生髙明 有文為不朽與有子為不死此兩言者希文足以當之 有孫竹立矣年登五十有五已不為天如東坡所謂人 種出人又且諸即俱佳不惟克其家而且世其學而又 孰使我至此者非天乎沉希文懿行奧學高文妙畫種 長或短天也非人之所能為也亦惟順天而已在生日

欽定匹庫全書



金月日人 白雪 定字集卷十